



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
 Tel: 818-248-7737/8, Fax: 818-248-7745
 E-mail: Prelacy@aol.com Website: www.westernprelacy.org



Ս. ԲԱՌԱՍՆԻՑ ՄԱՆԿԱՆՑ ՏՕՆԻՆ ԵՒ ՕՐԷՆՃ ԲԱՌՆԹԻԻ ԵԿԵՂԵՑՒՈՅ
ԱՆՈՒԱՆԱԿՈՉՈՒԹԵԱՆ ԱՌԻԹՈՎ

ՀԱՄԱՏՔԻ ՃԱՆԱՊԱՐՅՈՐԴՈՒԹԵԱՆ ՄԵՐ ԿԵԱՆՔԸ ԱՊՐԻՆՔ
ՄԱՔՈՒՐ ԽՂՏՄԱՆՔՈՎ, ՍՐԲՈՒԹԵԱՄԲ ԵՒ ՅԱՐԱՏԵՒ ԱՂՕԹԵԼՈՎ

ՊԱՏԳԱՄԵՅ ԱՌԱՋՆՈՐԴ ՍՐԲԱՉԱՆ ՀԱՅՐԸ

Կիրակի, 2 Մարտին, Սրբոց Քառասնից Մանկանց տօնին եւ Օրենճ Քառունթիի եկեղեցւոյ անուանակոչութեան առթիւ Թեմիս բարեխնամ Առաջնորդ Բարձր. Տ. Մուշեղ Ս. Արք. Մարտիրոսեան, եպիսկոպոսական հանդիսաւոր սուրբ պատարագ մատոյց եւ իր հոգեւոր պատգամը ուղղեց գաղութի գաւակներուն, շեշտելով աղօթքին անհրաժեշտութիւնը հայ անհատին ու ընտանիքի կեանքէն ներս, իբրեւ միջոց վերանորոգութեան, հաւատքի ամրապնդման եւ Աստուծոյ հետ հաղորդակցութեան:

Սուրբ Սեղանին սպասարկեցին Քրիստոնեական Դաստիարակութեան Բաժանմունքի զոյգ վարիչ Հայր սուրբերը եւ եկեղեցւոյս հոգեւոր հովիւը:

Նախքան իր քարոզը, Առաջնորդ Սրբազանը նախ անդրադարձաւ Հայաստանի վերջին իրադարձութիւններուն, բոլորին կոչ ուղղելով խաղաղութեան, կայունութեան եւ համերաշխութեան ուղին ընտրելու, հրաւիրելով հաւատացեալները աղօթելու հայրենիքի հզօրացման, իշխանութեանց իմաստութեամբ լեցուելու եւ առաջնորդելու եւ ժողովուրդին բարօր ու խաղաղ կեանքի համար:

Սրբազան Հայրը քարոզի բնաբան ընտրած էր Սրբոց Քառասնից Մանկանց նուիրուած շարականի հետեւեալ տունը. «Այսօր Աստուծոյ Որդիին էջքով Սեբաստիան երկրորդ Յորդանան եղաւ, եւ անճառելի պսակները կը փայլէին քառասուն սուրբերուն վրայ. եւ անոնք միաձայն կ'ըսէին՝ օրհնեալ ես ամենօրհնեալ անմահ Թագաւոր»: Առաջնորդ Սրբազանը պատմեց 4-րդ դարուն ապրած հաւատքի ախոյեաններուն՝ Սրբոց Քառասնից Մանկանց վարքին ու նահատակութեան մասին, որոնք Սեբաստիոյ լիճին մէջ Քրիստոսի հանդէպ իրենց ունեցած խոր սիրոյն ու կապուածութեան գործնական վկայութիւնը տուին իրենց արեան հեղումով եւ չարաչար տանջուելէ ետք իրենց նահատակութեամբ: Շարականին բառերէն մեկնելով, Սրբազանը շեշտեց այն, որ Սեբաստիոյ լիճը Քառասուն

մանուկներուն համար դարձաւ երկրորդ Յորդանան մը, յաւիտենական կեանքի առաջնորդող ճանապարհը, որով անոնք արժանի եղան փառաց պսակին արժանանալու եւ յաւիտեան յիշուելու: Այսօր մենք եւս, շէշտեց Սրբազան Յայրը, Սեբաստիոյ նահատակներուն նման կոչուած ենք հաւատքի մեր ուխտը վերանորոգելու, հաւատքի ճանապարհորդութեան մեր կեանքը ապրելու մաքուր խղճմտանքով, սրբութեամբ եւ յարատեւ աղօթելով:

Եւ Դատաւորի Կիրակիի խորհուրդէն ալ արդէն այդ կը պատգամէ մեզի՝ յարատեւ աղօթել առանց ձանձրանալու: Ուստի օրուան խորհուրդէն թելադրուած, Սրբազանը վեր առաւ աղօթքին անհրաժեշտութիւնը հաւատացեալի կեանքին մէջ, աղօթքը համարելով Աստուծոյ հետ հաղորդակցելու ազդու միջոց եւ մեր խնդրանքներն ու մարդկային մեր կարիքները Ամենակալին Գահին դիմաց բերելու աղերս:

Ապա Սրբազանը, շարականագրին բառերը փոխ առնելով, դիմեց Զառասնից Մանկանց բարեխօսութեան, աղօթելով. «Ո՛ր սուրբեր եւ Զրիստոսէ սիրուածներ, աշխարհի լուսաւորիչներ, սուրբ եկեղեցւոյ պարծանքներ, Տիրոջ մօտ մեզի համար բարեխօսեցեք»:

ՄԱՏԱԴՕՐՅՆԷՔ

Ս. Պատարագի աւարտին եւ հոգեհանգստեան արարողութենէն ետք, Սրբազան Յայրը նախ կատարեց պաշտօնական բացումը եւ օրհնութիւնը նորակառոյց Առաջնորդական գահին, բարերարութեամբ Տեր եւ Տիկին Բարսեղ եւ Մարի Եղմուրեանի: Ապա շրջապատուած հոգեւորականաց եւ դպրաց դասերով, Առաջնորդ Սրբազանը թափօրով առաջնորդուեցաւ եկեղեցւոյ կողքին գտնուող «Ղուկասեան» սրահը, ուր, հաւատացեալներու խիտ բազմութեան ներկայութեամբ, օրհնեց եկեղեցւոյ անուանակոչութեան տօնին առիթով պատրաստուած Մատաղը: Մատաղօրհնէքի աւարտին, ներկաները խանդավառութեամբ երգեցին «Կիլիկիա»ն եւ «Մեր Յայրենիք»ը:

Արարողութիւններէն ետք տեղի ունեցաւ սիրոյ ճաշ: Հաւատացեալներ միասնաբար ճաշակեցին Տիկնանց Միութեան պատրաստած մատաղը: Սիրոյ ճաշի ընթացքին եկեղեցւոյս Հոգեւոր Հովիւ՝ Արժ. Տ. Հրանդ Քհնյ. Երեցեան, եկեղեցւոյ ընտանիքին անունով իր որդիական սերն ու շնորհակալութիւնը յայտնեց Առաջնորդ Սրբազան Հօր, որ իր օրհնաբեր ներկայութեամբ կը պատուէր գաղութը: Գնահատանքի եւ շնորհակալութեան խօսքով հանդէս եկաւ նաեւ Ազգային Վարչութեան ատենապետ Տոքթ. Կարօ Յակոբեան:

Վերջին խօսքը արտասանեց Առաջնորդ Սրբազանը. ան բարձր գնահատեց Օրէնճ Քաունթիի մեծ ընտանիքը եւ հրաւիրեց բոլորին Յունիս ամսուն պատրաստուիլ տօնելու եկեղեցւոյս կառուցման 20 ամեակը:

Զրիստոնէական սիրոյ եւ հայաբոյր մթնոլորտի մէջ վերջ գտաւ օրուան հոգեպարար խորհուրդն ու սիրոյ ճաշը, որմէ ետք ներկաները տուն վերադարձան հոգեկան գոհունակութեամբ եւ ուրախ սրտով:

Պ.Վ.Կ.

ON THE FEAST OF THE FORTY MARTYRS AND THE NAME DAY OF FORTY
MARTYRS CHURCH

**LET US CONTINUE ON OUR JOURNEY OF FAITH WITH
CONSCIENCE AND PRAYER**

On Sunday, March 2nd, the Feast of the Forty Martyrs and the name day of Forty Martyrs Church in Orange County were celebrated with Episcopal Divine Liturgy celebrated by H.E. Archbishop Moushegh Mardirossian, Prelate, who also delivered the sermon.

The Prelate was assisted at the altar by Christian Education Department Directors Very Rev. Fathers Muron Aznikian and Barthev Gulumian.

Prior to his sermon the Prelate spoke of the events unfolding in Armenia and urged the faithful to pray for peace and stability.

The Prelate began his sermon by extolling the life and martyrdom of our champions of faith, the Forty Martyrs, who gave their lives for their faith and their deep love of our Lord Jesus Christ. The Prelate referenced the hymn dedicated to the Forty Martyrs stressing that the lake in Sebastia became the path that led them to eternal life and asserted that like the Forty Martyrs, we too are called to renew our faith and to live our lives with conscience and prayer. The Sunday of the Judge gives us this same message, to constantly and tirelessly pray. The Prelate emphasized the importance of prayer as a means of communicating with God and bringing before Him our supplications.

At the conclusion of Divine Liturgy and requiem services, the Prelate conducted the blessing of the new Bishop's Throne which was sponsored by Mr. and Mrs. Parsegh and Marie Yaghmourian. He was then led in a procession to "Gugasian" Hall where he blessed the *madagh*. During the reception that followed parish pastor Rev. Fr. Hrant Yeretsian thanked the Prelate for his celebrating the name day of the church with the parish members. Congratulatory remarks were also offered by Executive Council Chair Dr. Garo Agopian.

Closing remarks were offered by the Prelate during which he commended the members and servants of the church for their work in advancing the parish and called on them to prepare to celebrate the 20th anniversary of the establishment of the church in June.